

馮燕傳
劉無雙傳
吳保安傳

章臺柳傳
燕丹子傳
烏將軍記

韋自東傳



劉

無

雙

傳

薛
調
撰

中
華
書
局

劉無雙傳

此據龍威秘書本
排印初編各叢書
僅有此本

劉無雙傳

唐薛調撰

唐土仙客者建中中朝臣劉震之甥也。初仙客父亡與母同歸外氏。震有女曰無雙。小仙客數歲皆幼稚。戲弄相狎。震之妻常戲呼仙客爲王郎子。如是者凡數歲。而震奉孀姊及撫仙客尤至。一日王氏姊疾且重。召震約曰。我一子念之可知也。恨不見其婚宦。無雙端麗慧聰。我深念之。異日無令歸他族。我以仙客爲託。爾誠許我。瞑目無所恨也。震曰。姊宜安靜自頤養。無以他事自撓。其姊竟不痊。仙客謹喪歸。葬鄧。服闋思念身世孤子如此。宜求婚娶。以廣後嗣。無雙長成矣。我舅氏豈以位尊官顯而廢舊約耶。於是飾裝抵京師。時震爲尙書租庸使。門館赫奕。冠蓋填塞。仙客旣覲。留於學舍。弟子爲伍。舅甥之分依然如故。但寂然不聞選取之議。又於窗隙間窺見無雙姿質明豔。若神仙中人。仙客發狂。唯恐姻親之事不諧也。遂嚮囊橐得錢數百萬。舅氏舅母左右給使。達於斯養。皆厚遺之。又因復設酒饌。中門之內皆得入之矣。諸表同處。悉敬事之。遇舅母生日。市新奇以獻。雕鏤犀玉以爲首飾。舅母大喜。又旬日。仙客遣老嫗以求親之事。聞於舅母。舅母曰。是我所願也。即當議其事。又數夕。有青衣告仙客曰。娘子適以親情事言於阿郎。阿郎云。向前亦未許之。模樣云云。恐是參差也。仙客聞之。心氣俱喪。遲旦不寐。恐舅氏之見棄也。然奉事不敢懈怠。一日震趨朝。至日初出。忽然走馬入宅。汗流氣促。唯言鏤卻大門。鏤卻大門。一家惶駭。不測其由。良久乃言。涇原兵士反。姚令言領兵入含元殿。天子出苑北門。百官奔赴行在。我以妻女爲念。略歸。

部署疾召仙客與我勾當家事。我嫁與爾無雙。仙客聞命驚喜拜謝。乃裝金銀羅錦二十駄。謂仙客曰。汝易衣服。押領此物出開遠門。覓一深隙店安下。我以汝舅母及無雙出啓夏門。遠城續至。仙客依所教。至日落城外店中待久不至。城門自午後局鑰。南望目斷。遂乘驄秉燭。遠城至啓夏門。門亦鑰。守門者不一持白棧。或坐或立。仙客下馬徐問曰。城中有何事如此。又問今日有何人出此門者。曰。朱太尉已作天子。午後有一人重戴。領婦人四五輩。欲出此門。街中人皆譏。云是租庸使劉尚書。門司不敢放出。近夜追騎至。一時驅向北去矣。仙客失聲慟哭。卻歸店。三更向盡。城門忽開。見火炬如晝。兵士皆持兵挺。乃傳呼斬斫使出城。搜城外朝官。仙客捨輜騎驚走。歸襄陽村居三年。後知尅復。京闕重整。海內無事。乃入京訪舅氏消息。至新昌南街立馬徬徨之際。忽有一人馬前拜。熟視之。乃舊使蒼頭寒鴻也。鴻本王家生。其舅常使得力。遂留之。握手垂涕。仙客謂鴻曰。阿舅阿母安不。鴻云。並在興化宅。仙客喜極云。我使過街去。鴻云。某已得從良客戶。有一小宅子。販繒爲業。今日已夜。郎君且就客戶一宿。來早同去。未晚。遂引至所居。飲饌甚備。至昏黑。乃聞報曰。尙書授僞命官。與夫人皆處極刑。無雙已入掖庭矣。仙客哀冤號絕。感動隣里。謂鴻曰。四海至廣。舉目無親戚。未知託身之所。又問曰。舊家人誰在。鴻曰。唯無雙所使婢採蘋者。今在金吾將軍王遂中宅。仙客曰。無雙固無見期。得見採蘋死亦足矣。由是乃刺謁。以從姪禮見。遂中具道本末。願納厚價以贖採蘋。遂中深見相知。感其事而許之。仙客稅屋與鴻蘋居。寒鴻每言郎君年漸長。合求官職。悒悒不樂。何以遣時。仙客感其言。以情懇告。遂中薦見仙客於京兆尹李齊運。齊運以仙客前銜

爲富平縣尹。知長樂驛。累月忽報有使押領內家三十人往園陵以備洒掃。宿長樂驛。駐車子十乘下訖。仙客謂塞鴻曰。我聞宮嬪選在掖庭。多是衣冠子女。我恐無雙在焉。汝爲我一窺可乎。鴻曰。宮嬪數千。豈使及無雙。仙客曰。汝但去。人事亦未可定。因令塞鴻假爲驛吏。烹茗於簾外。仍給錢三千。約曰。堅守著。具無暫捨去。忽有所覩。卽疾報來。塞鴻唯唯而去。宮人悉在簾下。不可得見之。但夜語誼譁而已。至夜深。羣動皆息。塞鴻滌器篝火。不敢輒寐。忽聞簾下語曰。塞鴻塞鴻。汝爭得知我在此也。郎健否。言訖。嗚咽。塞鴻曰。郎君見知此驛。今日疑娘子在此。令塞鴻問候。又曰。我不久語明日我去後。汝於東北舍園子中紫梅下取書送郎君。言訖。使去。忽聞簾下極鬧云。內家中惡。中使索湯藥甚急。乃無雙也。塞鴻疾告仙客。仙客驚曰。我何得一見。塞鴻曰。今方修滿橋。郎君可假作理橋官。車子過橋時。近車子立。無雙若認得。必開簾子。當得瞥見耳。仙客如其言。至第三車子。果開簾子。窺見真無雙也。仙客悲感怨慕。不勝其情。塞鴻於閣子中梅下得書送仙客。花牋五幅。皆無雙真跡。詞理哀切。敘述周盡。仙客覽之。茹恨涕下。自此永訣矣。其書後云。常見敕使說富平縣古押衙。人間有心人。今能求之否。仙客遂申府。請解驛務歸本官。遂尋訪古押衙。閑居於村墅。仙客造謁見言。生所願必力致之。繒綵寶玉之贈。不可勝紀。一年未開口。秩滿。閑居於縣。古生忽來。謂仙客曰。洪一武夫。年且老。何所用。郎君於某竭分。察郎君之意。將有求于老夫。老夫乃一片有心人也。感郎君之深恩。願粉身以答效。仙客泣拜。以實告古生。古生仰天。以手拍胸數四曰。此事大不易。然與郎君試求。不可朝夕便望。仙客拜曰。但生前得見。豈敢以遲晚爲恨耶。半歲無消息。一日扣

門乃古生送壽云茅山使者過且來此仙客奔馬去見古生生乃無一言又啓使者復云殺卻也且喫茶夜深謂仙客曰宅中有女家人識無雙否仙客以探蘋對仙客立取而至古生端相且笑且喜云借留三五日郎君且歸後累日忽傳說曰有高品過處置園陵宮人仙客心甚異之令塞鴻探所殺者乃無雙也仙客號哭乃歎曰本望古生今死矣爲之奈何流涕歔歔不能自已是夕更深聞扣門甚急及開門乃古生也領一篋子入謂仙客曰此無雙也今死矣心頭微暖後日當活微灌湯藥切須靜密言訖仙客抱入閣子中獨守之至明漏體有煖氣見仙客哭一聲遂絕救療至夜方愈古生又曰暫借塞鴻於舍後掘一坑坑稍深抽刀斷塞鴻頭於坑中仙客驚怕古生曰郎君莫怕今日報郎君恩足矣比聞茅山道士有藥術其藥服之者立死三日卻活某使人專求得一九昨令探蘋假作中使以無雙逆黨賜此藥令自盡至陵下託以親故百緡贖其屍凡道路郵傳皆厚賂矣必免漏泄茅山使者及昇篋人在野外處置訖老夫爲郎亦自刎郎君不得更居此門外有檐子一十人馬五匹絹三百疋五更挈無雙便發變姓名浪跡以避禍言訖舉刃仙客救之頭已落矣遂并屍蓋覆訖未明發歷西蜀下峽寓居于渚宮悄不聞京兆之耗乃挈家歸襄鄧別業與無雙偕老矣男女成羣

贊曰人生之契闊會合多矣罕有若斯之比嘗謂古今所無無雙遭亂世籍沒而仙客之志死而不奪卒遇古生之奇法取之冤死者十餘人艱難走竄後歸故鄉爲夫婦五十年何其異哉